

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspeksijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

Broj: 14-02-05-05914/19  
Sarajevo, Maj 15. 2020. godine



**SKUPŠTINA KANTONA SARAJEVO**  
*(Na pažnju, predsjedavajućeg, Mirze Čelika)*

**PREDMET: *Odgovor na zastupničko pitanje broj: 01-04-2076-35/20 od 04.02.2020. godine , postavljeno od strane zastupnice Neire Dizdarević- dostavlja se;***

Zastupnica Neira Dizdarević, na 18. Radnoj sjednici Skupštine Kantona Sarajevo, održanoj dana 23.01.2020. godine, postavila je zastupničko pitanje koje glasi:

" U odgovoru na moje zastupničko pitanje akt broj: 14-02-05-05914/19 od 19.12.2019. godine odgovorili ste mi da u toku inspeksijskih nadzora kantonalni saobraćajni inspektori nisu izdavali prekršajne naloge zbog nepostupanja u skladu sa članom 41. Odluke o zaštiti i poboljšanju kvaliteta zraka u Kantonu Sarajevo ("Sl.novine Kantona Sarajevo" broj 23/16), već su uglavnom djelovali preventivno, molim pojašnjenje ovakvog postupanja jer zdravlje građana u epizodama rekordnih rezultata aerozagađenja nema alternativu, te da li su možda u pitanju problemi sa pravnim okvirom i njegovom provedbom. "

**ODGOVOR**

Kantonalni saobraćajni inspektori vrše nadzor nad sprovođenjem Zakona o cestovnom prijevozu Federacije Bosne i Hercegovine ("Sl.novine Federacije BiH" broj 28/06,02/10) i u tom smislu su



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb

ovlašteni da nadziru uslove i način obavljanja djelatnosti prijevoza osoba i tereta motornim vozilima u cestovnom prijevozu. Ovim Zakonom isti nisu ovlašteni za nadzor nad odvijanjem saobraćaja motornih vozila .

Planom interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo" broj 44/19) u Mjerama u epizodnim situacijama (Pripravnost, Upozorenje, Uzbuna) pored ostalih za nadzor nad istom data je nadležnost i saobraćajnoj inspekciji u dijelu koji se odnosi na zabranu kretanja automobila sa određenom Euro normom.

Plan interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo" broj 44/19 ) ne sadrži kaznene odredbe za nepostupanje po mjerama u epizodnim situacijama dok je članom 41. Odluke o poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) određeno da su građani, pravna i fizička lica dužni postupati u skladu sa Planom interventnih mjera.

Za nepostupanje u skladu sa članom 41. Odluke članom 60. predviđene su kazne za prekršaje i to:

- za pravno lice novčana kazna za prekršaj u iznosu od 1.000,00 do 5.000,00 KM
- za odgovorno lice u pravnom licu novčana kazna za prekršaj u iznosu od 500,00 do 1.000,00 KM
- za fizičko lice kazna za prekršaj u iznosu od 500,00 do 1.000,00 KM

Tokom inspeksijskih nadzora sa ciljem realizacije Plana interventnih mjera kantonalni saobraćajni inspektori su preventivno djelovali te upozoravali sve vozače čija vozila nisu ispunjavali uslove u pogledu Euro normi u zavisnosti od proglašene epizode zagađenja.

Cijeneći činjenicu da veliki broj registrovanih vozila na području Kantona Sarajevo ne ispunjava uslove u pogledu Euro normi kantonalna saobraćajna inspekcija je u cjelodnevnom inspeksijskim nadzorima (i u dane vikenda ) a sve u cilju zaštite zdravlja građana preventivno djelovala na način da su upozoravali vozače na zabranu kretanja, a vozila preusmjeravali na alternativne pravce .

Efekti ovakvog rada su bili znatno osjetni na terenu, jer je smanjen broj vozila koji nisu ispunjavali propisane norme. Upozoreni vozači nisu zatečeni u ponovljenom slučaju nepoštivanja mjera određenih Planom interventnih mjera tako da se preventivnim djelovanjem i to na način da su subjekti kontrole upoznati sa obavezom poštivanja propisa i sankcijama u slučaju njihovog nepridržavanja, postigla svrha inspeksijskog nadzora, pa nije bilo potrebe za poduzimanjem represivnih mjera - izdavanjem prekršajnih naloga.

Ovdje trebamo napomenuti da su se kontrole vršile sa policijskim službenicima MUP- Kantona Sarajevo, kojom prilikom je od strane istih utvrđeno da su sva kontrolisana vozila bila uredno registrovana što podrazumjeva tehničku ispravnost istih, a što je dodatni razlog za preventivne



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890


Sarajevo, Aleja Bosne Srebrene bb

djelovanje kako saobraćajne inspekcije tako i policijskih službenika koji su vršili kontrolu u okviru svojih nadležnosti.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahri Halilović



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb